

Segenen dabey anwenden darff / so ist ja diese Kerze vnd ihr gebrauch nicht für eine superstition (wie etwan esliche der Natur heimlichkeiten vnversündliche Phantasten hiervon spintisirn vnd auß grosser Hasirlicher Flugheit träumen möchten) zu halten.

Modus der zubereitung solcher Kerzen
oder Liechts.

Nim schwarzen Weyrauch vier loth / weissen Weyrauch drey loth / Hirschhorn von einem Hirschen der zwischen den zweyen Frauen tagen / als Mariae Himmelfart vnd Mariae Geburt / das ist zwischen dem 15. Augusti vnd dem 8. Septembris (denn es in der zeit am kräftigsten ist) geschlagen worden / fein klein geselet drey loth / Myrrhen / weissen vnd gelben Born : oder Agtstein jegliches zwey loth / Campfer / Asam / Sibenell / Angelica ana ein loth : Mastix ein halb loth : Saffran ein quintin / alles auff kleinest gepulverisirt / vnd in zwey pfund zerlassen newes Wachs wol mischirt vnd gekneten. Darnach drey Goltfäden / drey Silberfäden / drey Senebenedenefäden / vnd drey Dachte von Hanff gesponnen / zusammen geflochten / vnd mit gedachtem zubereiteten Wachs nach gemeiner weise eine Kerze oder Wachslicht darauß gemacht / (wer da wil / könte eslicher in dieser composition verzeichneten Materien ihre gedestillirten Oeliten drein vermischen) vnd darnach wenn man wil / die Kerze oberzehlter gestalt mit anzünden vnd beräuchern gebraucht / man kan lange zeit mit einer solchen Kerzen zukommen.



An iii

TRA